

Serbska přédarska konferenca 2022

Fararjo ze serbskim wosadnym džěłom zeńdžechu so 10. meje w Rogowje pola Baršća na swoju lětnju zhromadźiznu. Farar Jachmann, kotryž bě jako wikar w Dešnom započinał delnjoserbsčinu wuknyć, bě jako Baršćanski farar hosćiciel lětušeje konferency. Duchowni zetkach so najprjedy w nowej cyrkwi, hdžež měješe fararka Köhlerowa nutrnosć. Po tym wopytach muzej wotbagrowanych wjeskow, kotryž je w gmejnskim domje zaměstnjeny. Na multimedialne wašnje so jim wosudy wsow a wobydlerjow spřístupnichu. Na scěhowacym wuradźowanju we wosadnicy dopřihotowa so serbski podžěl na Łužiskim cyrkwiskim dnju 24. junija w Zhorjelcu. Farar Jachmann, kiž bě zamołwitosć za organizaciju přewzał, rozprawješe wo ćežach, serbskej pomjenowani na hłowny plakat dóstać, štož pak so skónčnje poradzi. Scěhowachu rozprawy z kóždého džěloweho wobłuka Rakečanski farar Malink rozprawješe wo čilym serbskim žiwjenju we wosadze, štož sej wosadni tež wužadaja. Dobře nazhonjenja maja w Rakecach z dwurěčnym wosadnym spěwnikom. Fararka Köhlerowa z Dešna rozprawješe wo tym, zo wotměja so 9. septembra po dlěšej přestawce zaso serbske kemše na Choćebuskim serbskim gymnaziju. Informowaše dale wo projekće „Zorja“, přez kotryž maja so zajimcy wuknanić, serbsčinu dokładnje nawuknyć. Farar Jachmann rěčeše wo serbskich kemšach na reformaciskim dnju w Baršću, na kotrychž běchu wjacori kemšerjo hłuboko hnući wo tutym poskitku byli. Běchu to po lětdžesatkach přenje serbske kemše w Baršću byli. Farar Jordanov z Klětna, kotryž ma tež wosadu we Wochozach na starosći, přeprasy na wotewrjenje Šwjeloweje bróžnje we Wochozach 16. a 18. septembra. Korony dla bě so termin dyrbjal wjace króć wotstorčić. Wo jara poradženej hodownej hrě, kotrež přeložowanje a nazwučowanje bě młoda wosadna přewzała, porěča farar Kšeńka z Janšojc. Farar Reichelt z Blunja předstaji kružk serbsce wuknjacych, kotryž so w Ptačecach pod nawodom Rolfa Hrjehorja schadźuje. Hluboki začišć bě zawostajilo póstne a jutrowne spěwanje Čornochołmčanskich holcow a młodych žonow. Farar Haenchen přeprasy na Serbski cyrkwinski dzeń 11. a 12. junija do Bukec. Sobotu popođnju liči so z wopytom krajneho biskopa Bilza. Serbski superintendent Rummel nača prašenje, kak ma so wobchadzeć ze žohnowanjom na dwurěčnych kemšach. Někotři běchu mjenje, zo dosaha žohnowanje w jednej rěči, to rěka potajkim w serbskej, někotři pak běchu tež mjenje, zo wotwisuje to wot konkretnych wuměnjach wosady a zo je serbske a němske žohnowanje móžne. Sup. Rummel rozprawješe tež wo serbskim koncerće w Smělnj, kotryž bě sej wosada skazała a organizowała. Serbski superintendent na wuměnk Malink informowaše wo stawje džěła na serbskim lekcionaru.

Skónčnje postaji so hišće městno přichodnje konferency na spočatk meje 2023 w Blunju.

Jan Malink

Wobdžělnicy serbskeje předarskeje konferency 2022 před Rogowskej cyrkwju: farar Reichelt, sup. Rummel, sup. n. w. Malink, fararka Köhlerowa, farar Jachmann, farar Haenchen, farar Kšeńka, farar Jordanov, farar Malink. Foto: priw.